


國學基本叢書簡編
宋六十名家詞

三







毛

晉編

國學基本
叢書簡編

宋
六十名家詞三

商務印書館發行

題坦菴詞

詞古詩流也吟咏情性莫工於
詞臨淄六一當代文伯其樂府
猶有憐景泥情之偏豈情之所
鍾不能自己於言耶坦菴先生
金閨之彥性天衷曠吐而為文
如泉出不擇地連收兩科如俯
拾芥詞章廼其餘事人見其模

寫風景體狀物態俱極精巧初

不知得之

以至得趣忘憂

樂不知命茲又情性之自然也

因為編次俾鑒諸未觀者當自

識其胸歌

門人尹覺先之敘

藏書

宋六十名家詞

拙菴詞序

二

坦菴詞

目錄

萬年歡 一詞

水調歌頭 八詞

滿江紅 五詞

沁園春 二詞

醉江月 七詞

促拍滿路花 二詞

永遇樂 三詞

風入松 一詞

鳳皇閣 一詞

蝶戀花 八詞

鷓鴣天 七詞

柳梢青 十詞

浣溪沙 六詞

菩薩蠻 十三詞

好事近 二詞

醉蓬萊 一詞

漢宮春 一詞

鴈前柳 二詞

訴衷情 四詞

一剪梅 二詞

朝中措 六詞

點絳脣 三詞

撲蝴蝶 一詞

醉桃源 三詞

賀聖朝 一詞

踏沙行 二詞

憶秦娥 一詞

武陵春 二詞

清平樂 三詞

鵲橋仙 四詞

謁金門 七詞

東坡引 三詞

生查子 五詞

少年遊 二詞

小重山 一詞

霜天曉角 二詞

江南好 一詞

關河令 二詞

採桑子 二詞

浪淘沙 三詞

雙頭蓮令 一詞

画堂春 一詞

南柯子 一詞

西江月 二詞

洞仙歌 一詞

南鄉子 一詞

行香子 一詞

卜算子 五詞

伊洲三臺 一詞

坦菴詞目錄終

宋六十名家詞

坦卷四目錄

二

坦菴詞

宋 趙師使

萬年歌

電繞神樞華渚流虹誕彌良用佳辰萬萬謳歌
歸舞寶曆增新四七年間盛事皇威暢邊鄙無
塵仁恩被華夏咸安太平極治懽聲重華道
隆德茂亘古今帝有揖遜重開聖子三宮歡聚
兩世慈親幸際千秋聖旦霑錫宴普率惟均封
人祝億萬斯年壽皇尊竝高真

水調歌頭

龍節宴
王公明

金鼎調元手玉殿演恩華宣威蜀道曾見千騎
擁高牙憑仗元樞籌略寬我宸旒西顧惠澤被
幽遐為憶江城好南浦曦仙槎格天心膺帝
眷極褒嘉琳宮香火緣在還近玉皇家霖雨久
思賢佐看卽聲傳丹禁喚仗聽宣麻衮繡公歸
去宰路築堤沙

又 春野亭
送別

江亭送行客腸斷水蘭舟水高風快滿目煙樹
織成愁咿軋數聲柔櫓拍塞一懷離恨指顧隔
汀洲獨立滄茫外欲去強遲留海山長雲水
濶思難收小亭深院歌笑不忍記同游唯有當
時明月千里有情還共後會尙悠悠此恨無重
數和淚付東流

又 安卿信
堂送春

韶華能幾許節物歎推移羣花競芳爭豔無奈
隙駒馳紅紫隨風何處唯有樽枝新綠暗逐雨
催肥喬木芻初嚼深院燕交飛漸清和微扇
暑日遲遲新荷泛水搖漾萍藻弄晴漪百歲光
陰難挽一笑歡娛易失莫惜酒盃危無計畱連
住還是送春歸

又 萬載煙
雨記

江流清淺外山色有無中平田坡岬廻曲一目

望難窮波面輕鷗客與沙際野航橫渡不信畫
圖工路入神仙宅翠鎖梵王宮俯晴郊增勝
樂氣橫空雲林城市層列知有幾重重夏上危
亭高處從倚欄干虛敞象緯逼璇穹要盡無邊
景煙雨看空濛

又戊申春度月舊韻賦
二詞呈族守德遠

人生如寄耳世態逐時移浮名薄利能幾方寸
謾交馳龍足生涯隨分到眼風光可樂終不羨
輕肥有志但長嘆無路且早飛恨年華何去
速又來遲綠陰濃映池沼穀浪皺風漪嘯午鷗
聲晚曉滾地楊花飄蕩愛景惜芳卮此意誰能
解一笑任春歸

又

心景兩無著情物豈能移超然遠覽失笑名利
苦紛馳一品官資榮顯百萬金珠豪富空自喜
家肥會得個中理川湧與雲飛靜中樂陶中

趣自舒遲心如止水無風無自夏生濟已是都
忘人我一任吾身醒醉有酒引連卮萬法無差
別融解卽同歸

又和石
林韵

世態萬紛變人事一何忙胸中素韜奇蘊匣劒
豈能藏不向燕然紀績復與漁樵爭席擺脫是
非鄉要地時難得閒處日偏長志橫秋謀奪
衆謾軒昂蠅頭蛄角微利爭較一毫芒幸有喬
林倚竹隨分粗衣糲食何必計冠裳我已樂蕭
散誰與共平章

又丁巳長沙
寄王樞使

台星明異軫和氣滿瀟湘長懷勝處地靈應產
股肱良英仰三朝元老要識一時英傑人物自
堂堂直氣薄霄漢德望聲巖廊擁貔貅森森
戟鎮藩方折衝樽俎春融花柳倚壺觴兩世麟
符玉節九疊恩風惠雨仁者壽宜長鳳詔來丹

閣繡衾覲明光

滿江紅 甲午律章和李忠永

渺渺春江迷望眼蒲萄漲綠春過也瀟疎庭戶
寂寥心目念遠不禁啼鳩關愁多易遣情賦感
向小窗時把綵牋看翻新曲 晴畫水復新浴
相思淚不成哭空無言顚顚暗銷肌玉目斷碧
雲無信息試憑青翼飛南北聽掀簾疑是故人
來風敲竹

又 辛丑赴信豐舟行韻石中

煙浪連天寒尚峭空濛細雨春去也紅銷芳徑
綠肥江樹山色雲籠遠近灘聲水滿忘鷺阻
桂片飄涼晚風輕停煙渚 浮世事皆如計
名利役驚時序歎清明寒食小舟為旅露宿風
食安所賦石泉榴火知何處動歸心猶賴翠煙
中無杜宇

又 壬子秋社前中賦桃花

露冷天高秋氣爽千林葉落驚初見小桃枝上

盛開紅萼淺淡胭脂經雨洗剪裁碼礪如雲薄
問素商何事闌春工施丹腹 芙蓉苑顏如灼
會暗與花王約要築秋名字並傳京雜回首瑞
池高宴處桂花香裏驛高鶻但莫教容易逐西
風輕飄却

又 丙辰中秋定王臺即席餞富次律

涼入三湘秋氣爽江澄沙白人欲去離愁黯黯
莫畱行色盍在中朝陪鵷鷺暫來南楚分風月
與元樞鶚薦笑扶搖朝天闕 皇華使和戎策
西府贊中興業有縉衣同美武公勛烈檣燕已
知添別意驪駒誰為歌新闕恨此情如月過中
秋圓還缺

又 丁巳和濟時凡宜送春

去去春光畱不住情懷索寞那堪是日長人困
雨餘寒薄葉底青青梅勝豆枝頭顰顰花畱萼

歎流年空有惜春心憑春酌歌笑酒誰斟酌
非與是忘今昨且隨時隨分強歡尋樂世事燕
鴻南北去人生鳥兔東西落問故園不負送春
期明年約

沁園春

和伍子晟
避暑二首

雨接梅霖風祛槐暑麥天已秋正榴燃紅炬枝
頭色豔荷翻綠蓋池面香浮心景俱清身名何
有且向忙中早轉頭塵勞事枉朝思夕計細慮
深謀悠悠不復徵求但安分隨緣休便休縱
官居極品徒爲美玩家稱鉅富未免閑愁遇酒
開顏逢歡樂意有似木人騎土牛從他笑看一
朝解悟八極遨遊

又

羊角飄塵金易燼石雨涼念秋有虛堂臨水披
襟散髮紗幘霧卷湘簾波浮遠列雲峰近衆荷
氣臥看文書琴枕頭蟬聲寂向莊周夢裏栩栩

無謀茶甌醒困堪求龍飽飯安居可以休算
偷閒靜勝吾能自樂榮華紛擾人謾多愁習嬾
非癡覺迷是病一力那能勝九牛但休問且追
尋觴詠知友從游

醉江月

題趙文
炳枕屏

枕山平遠記當年小閣牙床曾展圖幅高深春
晝永寂寂重簾不卷擢纖西湖人歸南陌酒暈
紅生臉困來無那玉肌小倚嬌軟堪恨身在
天涯曲屏環枕此意何由見想像高唐無夢到
獨擁閒衾展轉物是人非山長水闊觸處思量
徧愁遮不斷夜闌依舊斜掩

又

兩午
翠川

飄流踪跡趁春來還趁春光歸去九十韶華能
幾許著意畱他不住趙柳催花摧紅長翠多少
風和雨峰閒蝶怨盡憑枝上鶯語歸櫂去去
難畱桃花浪煖綠漲迷津浦回首重城天樣遠

人在重城深處惜別愁分凝暗有淚總寄陽關
句不堪腸斷恨隨江水東注

又 乙未白蓮
待廷對

斜風疎雨正無聊情緒天涯寒食煙重雲嬌春
燭燭却得輕寒邀勒柳褪鴉黃池添鴨綠桃杏
渾狼藉亂山深處尚畱些子春色 海燕未便
歸來踏青園草誰與同尋覓杜宇多情芳樹裏
只管聲聲歷歷似勸行人不如及早作箇歸消
息休教腸斷夢魂空費忠憶

又 乙未中元自
和胡遇白蓮

曉風清暑映湖光如練山光如染十里荷花香
滿路飛蓋斜欹粧面一葉扁舟數聲柔櫓陀覺
紅塵遠六橋三堦恍然圖畫中見 因念當日
三賢兩山佳處應也經行遍琢月吟風無限句
景物隨人俱顯質監風流玄真清致我亦情非
淺漁蓑投老利名何用深羨

又 榕豐賦
茉莉

化工何意向天涯海嶠有花清絕縞袂綠裳無
俗韻不畏炎荒煩熱玉骨無塵冰姿有豔雅淡
天然別真香冶態未饒紅紫春色 底事口落
江南水仙兄弟端自難優劣葦雨疊煙魂夢遠
寧識溪橋霜雪薜蘿同芳素馨爲伴百和清芬
蕤淒然風露夜涼香泛明月

又 蕉藏龍
江眼界

平生奇觀愛登高臨遠尋幽選勝欲上層巔窮
望眼一半崎嶇危徑萬瓦鱗鱗四山簇簇咫尺
疎林映山川城郭恍然多少清興 殘照斜欹
餘紅橫陳平遠一抹輕煙暝何處飛來雙白鷺
點破遙空澄瑩鶴嶺雲平龍江波渺不羨瀟湘
詠橘懷舒曠曲欄倚了還凭

又 足樂園
牡丹

韶華婉婉正和風遲日暄妍清晝紫燕黃鸝爭

巧語催老芬芳花柳灼灼花王盈盈嬌豔獨殿

春光後鷗翎初拆露霏香沁珠潤遙想京洛

風流姚黃魏紫間綠如鋪繡小蓋低回離檻曲

車馬紛馳圍圓天雨曼珠玉槃金東占得聲名

久留連朝真賞心不厭芳酒

促拍滿路花

信宜黃師尹琬珠亭

燕花春爛熳疊石翠嶺屹小亭相對倚數峰寒

主人尋勝接竹引清泉鑿破蒼苔地一樹泓澄

六花疑是深淵

山前六花小池

向閣中百慮翛然情

事寄鳴絃爐香陪茗椀可忘言噴珠濺雪歷歷

聽潺湲塵世知何計不老朱顏靜看日月跳丸

又瑞陰亭贈筆屏畫道人

連枝蟠古木瑞陰映晴空桃江上景古今同

忙中取靜心地儘從容埽盡荆榛蔽結屋誅茆

道人一段家風任鳥飛兔走肉面世事亦何

窮官閒民不擾夏年豐草瓢雪水時與話西東

真樂誰能識兀坐忘言浩然天地之中

永遇樂

重明節

金旻行秋季商回律天氣佳處瑞應皇家祥開

聖旦寶曆綿基祚瑤池人祝鈞天樂奏湛露宴

均寰宇萬花覆千官盡醉盛事頓超今古中

與天統四三傳序揖遜自歸明主黃屋非心蘿

圖有永還付當今主帝夷高蹈壽康長保五世

祖孫懽聚尊之至千秋令節萬年聖父

又甲午走筆和岳大用梅詞韻

秋滿衡阜淡雲籠月晚來風勁一抹殘霞數聲

過雁還是黃昏近憑高臨遠倚樓凝眸多少斷

愁幽興聽漁村鳴榔隱隱別浦葦煙收暝湘

妃起舞芳蘭紉佩約略亂峰雲鬢景物悲涼楚

天澄淡過盡歸颿影斜陽低處遠山重疊蕭樹

亂鴉成陣空無言欄干凭暖悶懷似困

又爲盧顯文家金林翰賦

日麗風暄暗催春去春尙留戀香褪花梢苔侵
柳徑密幃清陰展海棠零亂梨花淡矜初聽開
空罽燕有輕盈妍姿親態緩步闌風仙苑綠
葢紅萼芳鮮柔媚約略試粧深淺細葉來禽長
梢戲蝶簇簇枝頭見乾頭鬢髮春愁無力因倚
画屏嬌軟只應怕風欺雨橫落紅萬點

風入松

戊申仲夏游湖
永舟泛過湘

溪山佳處是湘中今古言同平林遠岫渾如画
夏漁村返照斜紅雨呼荻風策策一江秋水溶
溶蒼崖石壁景尤雄人自西東利名汨沒黃
塵裏又那知清勝無窮何日輕輶簑笠持竿獨
釣西風

鳳凰閣

己酉陽春
衡陽作

正薰風初扇梅黃暑薄並搖雙槳去程速那更
黃流浩淼白浪如屋動歸思離愁萬斛平生
奇觀頗快江山寓目日斜雲定晚風薰白鷺飛

來點破一川明綠展十幅瀟湘画軸

蝶戀花

戊戌和
鄧南秀

柳眼窺春春漸吐又是東風搖曳黃金樹宜入
新春聞好語一犁處處催耕雨未有花鬚金
縷縷醉夢悠颺似蝶翻隨舞一枕仙遊何處去
覺來依舊江南住

又

己亥同常監游湖
陽湖題肯堂壁

春到園林能幾許昨夜疎疎過却催花雨暝日
晴嵐原上路雕鞍暫繫芳非樹仙洞同遊皆
勝侶繼憶年時醉裏曾尋句要與龍江春作主
翩然又赴東風去

又

癸卯信豐
賦美客

剪剪西風催碧樹亂菊殘荷節物驚秋算綠葉
紅苞迎曉露錦屏繡幃圍芳圃塵世驚驂那
肯駐尙憶層城仙苑飛瓊侶能共牡丹爭幾許
惜花對景聊爲主

又道中有簪
二色菊花

百疊霜羅香蔕細
嫋嫋垂鈴綴
簇黃金碎
獨占九秋風露裏
芳心不與羣花比
采采東籬今古意
秀色堪餐更惹蘭膏膩
不用南山橫紫翠
悠然消得因花醉

又臨安道
中賦梅

剪水凌虛飛雪片
認得清香雪樹深深見
傳粉凝酥明玉鑊
含章簷下春風面
照影溪橋情不淺
羌管聲中疊恨傳
幽怨龍首人
端芳信斷萬重雲水江南遠

又戊申
秋夜

夜雨鳴簷聲
淅淅薄酒澆愁不挪更
籌促感舊傷今難舉目
無聊獨剪西窗燭
彈指光陰如電速
富貴功名本自無心逐
藕食危衣隨分足
此身安健他何欲

又丙辰婦然
賞海棠

春入園林新雨過
次第芳菲惹起情無那
蜀錦青紅初剪破
枝頭點點胭脂顆
柳帶隨風金娘娜
隱映餘霞燦燦紅雲墮
高燭夜寒光照坐
只愁沉醉誰扶我

又用宣笑
之語作

解語花枝嬌柔柔
不爲傷春愛把眉峰鎖
宜笑精神偏一個
微渦媚靨櫻桃破
先自腰肢常嫋娜
更被新來酒飲頻過火
茶飲不惟猶自可
臉兒瘦得些娘大

鷓鴣天
壬辰豫章惠月佛閣

煙靄空濛江上春
夕陽芳草渡頭情
飛紅已逐東風遠
嫩綠還因夜雨深
情脉脉思沉沉
捲簾愁與暮雲平
闌干倚徧東西曲
杜宇一聲腸斷人

又豫章
大開

玉帶紅花供奉班
裏頭新樣總宜男
闌裝鞦轆

青驄馬帖體衣裳紫窄衫
雲鬢重黛眉彎內
家粧束冠江南輕裘緩帶風流帥錦繡叢花擁

塵撲撲競爭榮何時了却人間事泛宅浮家過此生

又 擬單
曉空

榕葉陰陰未著霜淺寒猶試夾衣裳霧凝煙重

妙曲清聲壓楚城蕙心蘭態見柔情凌波穩稱

遙山暗雲淡天低去水長
風漸瀝景淒涼亂
鷗聲裏又斜陽孤鷗落處鷺鷥飛映書空雁

金蓮步艷甲從教玉笋斟
歌緩緩笑吟吟向
人真處可憐生仙源幸有藏春處何事羣風逐世塵

又 夕

一葉驚秋風露清砌
蛩初聽傷窗聲人達役鵲

爆竹聲中歲又除頓回和氣滿寰區春風解綠

飛鳥夜橋渡牽牛織女星
銀漢淡弄雲輕新
蟾斜挂一鉤明人間天上佳期處涼意還從過

江南樹不與人間染白鬚
殘蠟燭舊桃符寧
辭未後飲屠蘇歸歎幸有園林勝次第花開可自娛

又 湘江舟中
憑叔索賦

風定江流似鏡平斜陽天外挂微明雲歸遠岫

節物推移青陽景變玉瑱灰飛絲仗泥牛星毡

千山曉霧映疎林一抹橫
漁火細釣絲輕黃

雲柳爭報春回
絲金縷玉蟾兒夏斜裏東風
應時宜入新春人隨春好春與人宜

又茶蘼

源

紅紫凋零化工特地剪玉裁瓊碧葉叢芳檀心
點素香雲團英柔風喚起娉婷似無力斜欹
翠屏細細吹香盈盈浥露花裏傾城

又和趙顯祖

漠漠輕陰養花天氣乍暗還明曲徑風微蜂送
紅片蝶趁游人平蕪極目青青覆恨望誰招
斷魂柳外愁聞鶯雛喚友鳩婦呼晴

又黃絕林李祥伯

料峭餘寒元宵欲過燈火闌珊宿酒難醒新愁
未解搖兀吟鞍深林百舌關關夏雨洗桃紅
未乾野燒痕青荒陂水滿春事何堪

又富陽江亭

煙歛雲收夕陽斜照暮色遲留天接波光水涵
山影都在扁舟虛名白盡人頭問來往何時
是休潮落潮生吳山越嶺依舊臨流

又梁八仙花

人間春足一番紅紫水流風逐戲蝶初開輕搖
粉翅高低飛撲兩昏煙曉增明似積雪枝間
映綠后土瓊芳蓬萊仙伴盡紛香粟

又邵武縣崇臺廟上呈徐可叔

矯首遐觀崇臺徙倚心目俱寬一水縈藍羣峰
聳翠天接高寒平生江北江南總未識欄中
好山雨暗前汀雲生衣袂身勸躋攀

又王子庸陽臺山閣

暑懷煩鬱危欄徙倚凝情獨立榕葉連陰橫岡
接秀壺峰凝碧海山雲樹微茫夏無數啼鶯
草集却憶瀟湘孤村煙渚晚風斜日

又鑑止月下貧筵

水滿方塘菰蒲深處戲浴鴛鴦燦錦舒霞紅幢
綠蓋時通幽香天弓搖挂孤光映煙樹雲間
渺茫散髮披襟都忘身世真在仙鄉

又和張伯青
紫笑詞

凝碧梅枝柔黃襯紫獨殿春風齒香輕盈甘瓜
馥郁葉寧相重 人生一笑難同更餘韵都藏
笑中日助清芬酒添風味須與從容

浣溪沙
癸巳
豫章

日麗風和春晝長杏花枝上正芬芳無情社雨
亦何狂 一洗嬌紅啼嫩臉半開新綠映殘粧
画梁空有燕泥香

又滕王閣席上
贈段雲輕

落日沉沉墮翠微斷雲輕逐晚風歸西山南浦
画屏圍 一目波光明欲溜兩眉山色翠常低
須知人與景相宜

又鳴山驛
道中

松雪紛紛落凍泥棲禽猶困傍枝低
玉靷坐 流水瀾瀾春意動羣山燦燦曉光迷
朔風寒日度雲遲

又埭川從喜
席上敘別

不比陽關去路賒使君行即返京華清江上
是吾家 聚散有時恩夜雨留連無計勸流霞
紅愁綠條一川花

又盤止
宴坐

雪絮飄池點綠漪舞風游漾燕交飛陰陰庭院
日遲遲 一縷水沉香散後半甌新茗味回時
倚闌萬事總忘機

又對梅
狂海

本是孤根傲雪霜肌膚不肯澆鉛黃要隨塵世
淺勻粧 似杏著花尤燦燦比梅成實自雙雙
青枝巧綴碧鴛鴦

菩薩蠻
癸巳自豫
章微歸

扁舟又向瀟灘去危檣却繫江頭樹風送雨聲
來涼生真快哉 電光雲際掣白浪天相接不
用怯風波風波平地多

又

嬌花媚柳新粧靚
裙邊微露雙鴛竝
笑靨最多情
春從兩臉生
香羅紫皓腕
翠袖籠歌扇
餘韻遏雲低
梁塵歛歛飛

又

晚風斷送歸颿急
重城回首天連碧
猶有小樓情
西山如舊青
故園今漸近
應卜燈花信
一喜一牽縈
平分兩處心

又用三淵詩
故人心向
道故心人不見之句

故人心上如天遠
故人心更何由見
腸斷楚江頭
淡和江水流
江流空滾滾
淚盡情無盡
不怨薄情人
人情逐處新

又瑞隆
秋空

小春愛日融融暖
危亭望處晴嵐滿
江靜綠迴環
橫陳無際山
清霜欺遠樹
黃葉風扶去
試探嶺頭梅
點紅開未開

又
梅可人

瑤英爲惜輕飛去
可人妙筆移纖素
瀟瀟向南
枝永無開謝時
閨房難並秀
自是春風手
何必問逃禪
人間水墨仙

又竹勝
詩勝

多情可是憐高節
濡毫幻出真清絕
雨葉芙蓉風
枝天寒人倚時
蕭蕭襟韻勝
堪與梅兄並
不問翠成林
坡仙曾賞音

又玉山
道中

霜風落木千山遠
護霜雲散晴曦
曉瀟瀟灑灑小旗
亭山花照眼明
粉粧勻未了一
捻春風小把酒
恨箇箇深情眉媚中

又梅林
寄興伯

行舟蕩漾鳴雙槳
江流爲我添新漲
指顧隔汀洲
人歸心尚留
陽關三疊舉
怨柳離情苦
何似莫來休
不來無許愁

又永州牧人亭和
重徒手行韵

故人話別情難已故人此別何時會江上駐危
亭離懷牽故情悠悠東去水簇簇漁村市應
記合江濱瀟湘別故人

又春陵迎
陽字

西風又老瀟湘樹翩翩黃葉辭枝去斜日淡雲
籠溪山煙靄中危闌閒獨倚數浪連天際殘
角起江城書空征雁橫

又辛亥二
月雪

東皇不受人間俗爲嫌花柳紛紅綠特地闌春
和連延雨雪多梅梢封玉蕊春半開猶未還
恐怨韶華吹綿作柳花

又雪止遊花
穿闌干開

水風葉底波光淺亭亭翠蓋紅粧面六月下塘
春平鋪雲錦屏露涼輕羅綴綠映珍珠袂渾
似太真妃倚闌嬌困時

好事近
重徒手行韵

紅杏已香殘唯有海棠堪惜天氣著花如酒醉
嬌紅無力娉娉嬋嬋倚東風柔媚忍輕摘憑
仗算寒要住弄錦川春色

又癸巳
催柱

雲度鵲成橋青翼已傳消息絲仗葦宮初下應
人間佳夕龍煙縹緲散粧樓香霧擁瑞席準
擬洞房披扇看仙家春色

醉蓬萊
重明節西辰長汝

正金風零露玉宇生涼晚秋天氣華渚流虹應
生商佳瑞電繞神樞慶鄉宗社御寶圖宸極脫
展塵凡遊心澹泊逍遙物外聖子神孫祖皇
文母上接三宮下通五世至盛難名亘古今無
比誕節重明燕樂和氣勸普天均被壽祝南山
尊傾北海臣隣歡醉
漢宮春
壬子前中鹿鳴宴

丹詔天飛見皇家願治側席英才鴻儒抱負素
蘊壯志與懷文場戰勝便從此脫迹蒿萊人共
羨鹿鳴勅駕還因計吏偕來 先春占早爭開
是人間第一唯有江梅南中舊傳盛事六亞三
魁桃花浪暖更平地聽一聲雷藍綬綠簾鞭駮
馬長安走徧天街

廳前柳

晚秋天過暮雨雲容欲月澄鮮正風露凄清處
砌蛩喧更黃黃舞翩翩 念故里千山雲水隔
被名輟利鎖縈牽莫作悲秋意對尊前且同樂
太平年

又丹桂

景清佳正倦客凝秋思浩無涯遙十里香芬馥
桂初華向碧葉露芳葩 爲粟粒鵝兒情淡薄
倩西風染就丹砂不比黃金雨燦餘霞送幽夢
到仙家

訴衷情

初夏

清和時候雨初晴密樹翠陰成新篁嫩搖碧玉
芳徑綠苔深 雜燕語乳鶯聲暑風輕簾旌微
動沉篆煙消午枕除清

又

前中韵飲白廟
靈惠妃三首一

神功聖德妙難量靈應著莆陽湄洲自昔仙境
宛在水中央 平惠愛備祈禳降嘉祥雲車風
馬吟響來欵桂酒椒漿

又

茫茫雲海浩無邊天與水相連舳艫萬里來往
有禱必安全 尊掌握雨暘權屬豐年瓊巵玉
醴餐此精誠福慶綿綿

又

威靈千里護封圻十萬戶歸依白潮宮殿雲聲
香火盡虔祈 傾壽酒誦詩諒遙知民康俗
阜雨潤風滋功與天齊

一剪梅前中實錄

雪裏盈盈玉破花
迴想風流壓盡京華點酥團
粉任歌斜獨露春妍問誰似他
有酒何須雅
子賒訪戴歸來倚權溪涯人生得意定談誇除
却西湖不記誰家

又丙辰冬長沙作

暖日烘梅冷未殘
脫葉隨風獨見枯株先春占
早又何如玉點枝頭猶自蕭疎
江北江南景
不殊雪裏花清月下香浮它年調鼎費工夫且
與藏春處士西湖

朝中措前中實錄

斜陽留照有餘紅
煙靄淡冥濛麥隴青搖一望
前山翠失雙峰
高臺徙倚松飄逸韵梅減水
客俯眎塵寰如掌翩然我欲棄風

又

疎疎簾幙映娉婷
初試曉粧新玉腕雲邊緩轉

修蛾波上微羣
鉛華淡薄輕勻桃臉深注櫻
唇還似舞鸞窈窕無情空憫行人

又乙未中秋李商舟中

西風著意送歸船
家近總欣然去日梅開爛熳
歸時秋滿山川
京華倦客難堪羈思歷盡愁
邊寄語姮娥休笑月圓人亦團圓

又山樊

亂山春過雪成堆
七里過香回葦簇玲瓏金粟
花裝碎屑玫瑰
蘭衰梅謝桃粗李俗誰與追
隨清絕殿春仙侶清風吹破茶蘼

又李月

開隨律琯度芳辰
鮮豔見天真不比浮花浪蕊
天教月月常新
薔薇顏色玫瑰態度實相精
神休數歲時月季仙家欄檻長春

又丁亥蓋陽賀王宣之

睂間黃色喜何如花縣拜恩初
五品榮頒命服

十行祇奉天書
宣堂繡閣均封大邑盛事同
居此日銀章朱紱行看王帶金魚

點絳脣

和翁
于西

日榭風暄殿春瓊蓋依臺樹雪堆花架不用丹
青寫
瑩徹精神映月唯宜夜懷香怕倩風扶
下碎玉殘粧卸

又

漠漠春陰褪花時候餘寒峭數聲啼鳥喚起簾
櫳曉
雲鬢慵梳淡拂春山小情多少亂鶯愁
抱風裏坐楊裊

又

同曾無玷
龍沉寒嫩茶

裊裊娉婷可人尤賽娘風韵花嬌玉潤一捻春
期近
占路藏機已向暮中進但休問酒旗花
陣早晚爭先勝

摸蜋蝶

清和時候薰風來小院琅玕脫箨方塘荷翠颺

柳絲輕度流鶯畫棟低飛乳燕圓林綠陰初遍
景何限
輕紗細葛綸巾和羽扇披襟散髮心
清塵不染一盃洗滌無餘萬事消磨去遠浮名
薄利休羨

醉桃源

桐江
舟中

微雲掃盡碧虛寬月華光影寒山河表裏繼中
看沉沉清夜闌
風細細露薄薄神遊八極間
九霄回首望塵寰悠然醉夢還

又

草萊
茶原

纖枝延蔓走青虬風清體夏柔故饒檀蕊著花
稠疎疎如綬旒
瓊作屬玉成裘玫瑰應重流
惜香愁怕胃搔頭寧隨口事休

又

杜鵑花發映山紅韶光覺正濃水流紅紫各西
東綠肥春已空
閒戲蝶懶遊蜂破除花影重
問春何事不從容憂愁風雨中

賀聖朝

和宗
之梅

千林脫落羣芳息有一枝先白孤標疎影壓花
枝更清香堪惜吟情無盡賞春未已早紛紛
藉藉想貪結子去調羹任叫雲橫笛

踏沙行

白雲開殘紅雲吹盡園林新綠迷芳徑榆錢不
解買青春隨風亂點蒼苔暈紫燕飛忙黃鸝
聲嫩日長煙暝游蜂困憑高念遠息無窮那堪
宿酒微痠病

又

萬事隨緣一身須正功名富貴皆前定多圖廣
計要爭強如何人力將天勝極費機謀徒勞
奔競到頭畢竟由他命安時處順得心閒飢餐
困寢虧賢甚

憶秦娥

和劉
令家

傷離索不堪涼月穿珠箔穿珠箔料應別後紛

銷魂削無聊倚偏西樓角枝頭幾換鶯飛鵲
驚飛鵲先來頻頻更逢搖落

武陵春

和王叔
度探花

一陣曉風花信早先到小桃枝冉冉紅雲映翠
微開宴憶瑤池零亂分飛貪結子芳徑自成
蹊消得劉郎去路遠腸斷武陵溪

又

借豐
稷

乍雨籠晴雲不定芳艸綠纖柔燕語鶯啼小院
幽春色二分休試凭危欄凝遠目山與水光
浮滾滾閑愁逐水流不盡許多愁

清平樂

東第
薛卿必

舞風輕燕綠繞深深院晝永人閒簾不捲時聽
鶯黃巧囀清和天氣陰陰南風初泰鼎琴喚
起午窗新夢愁添一掬歸心

又

陽春
亭

一宵風雨春與人俱去春解再來花作主只有

行人無據 慙勤滿酌離觴陽關唱起愁腸苦

恨無情杜宇聲聲叫斷斜陽

又迎春花一名金腰帶

繼續嬌小也解爭春早占得中央顏色好裝點

枝枝新巧東皇初到江城慙勤先去迎春乞

與黃金腰帶壓持紅紫紛紛

鵲橋仙 端舟遇六和舍

風波平地塵埃撲面總是爭名競利悟時不必

苦貪圖但言任流行坎止忽來忽去何榮何

辱天也知人深意一颿風送過桐江喜跳出瑯

琅井裏

又安仁道中雲

同雲空幕狂風浩浩激就六花飛下山川滿目

白模糊更茅舍溪橋瀟瀟 玉田銀界瑤林瓊

樹光映乾坤不夜行人不爲旅人忙怎解識天

然圖画

又同叔國華飲開啼鵲御席作

春光已暮花殘葉密更值無情風雨斜陽芳樹

翠煙中又聽得聲聲杜宇血流無用離魂空

斷只撓淒涼爲旅在家誰道不如歸你何似隨

春歸去

又丁巳七夕

明河風細鵲橋雲淡秋入庭梧先墜厚夜羅荷

葉傘兒輕總排列雙雙對對 瓜果應節蛛絲

卜巧望月穿針樓外不知誰見女牛忙謾多少

人間歡會

謁金門

風和雨又送一番春去春去不知何處住惜春

無覓處 柳老空裊香絮鴛鴦橋乍還芳樹同念

故園如舊否不堪聞杜宇

又丁酉冬 渭山渡

江水綠江上數峰如簇喚渡小舟來呀北筍與

行太速 素盞窗紗籠玉不負看花心目今夜
知他何處宿斷魂沙路曲

又 兼同近

沙畔路記得舊時行處藹藹煙迷遠樹野航
橫不渡 竹裏疎花梅吐照眼一川鷗鷺家在
清江江上住水流愁不去

又

風雨急紅紫又還狼藉綠園枝苔徑溼簾開
雙燕入 院靜晝閑人寂一縷水沉煙直心事
有誰能會得堦前芳艸碧

又 常山道中

風策策山迥算煙橫白淅瀝穿林翻敗葉羈懷
愁倦客 問宿荒村山驛誰識離情脉脉雁足
無書孤夜色音塵千里隔

又 和從善二首

花夜雨渺渺綠波南浦壁絮晴雲山外吐凝情

誰共語 十二玉梯空埽閑却瑣窗朱戶久客
念歸歸未許寸心愁萬縷

又

風雨半春鎖綠楊深院悵浪不鰓香穗捲輕寒
閒便面 歸興新來不淺勾引閑愁撩亂一枕
春醒誰與管曉鶯驚夢斷

東坡引 別周誠可

相看情未足離觴已催促停歌欲語眉先蹙何
期歸太速 如今去也無計追逐怎忍聽陽關
曲扁舟後夜灘頭宿愁隨煙樹簇愁隨煙樹簇

又 蔡已錄章

飛花紅不聚都因夜來雨枝頭冷落情如許東
風誰是主 看看滿地堆却香絮但目斷章臺
路殘英剝盡留春住春歸何處去春歸何處去

又 龍江趙去非補上

孟行情意密今宵是何夕行人此別真堪惜愁

腸空悶鬱 明朝去也回首相憶要留戀如何
得無端聚雨飄何急人來心上滴人來心上滴

生查子

宣春記賓亭
別王希白唐

梅從隴首傳 柳向鄧亭折 鴛瓦曉霜濃 掠面凝
寒色 相逢意便親 欲去如何說 我亦是行人
更與行人別

又

萍姑陽
春亭

千山擁翠屏 一水縈羅帶 雨過水痕添 雲散山
容在 亭高景最幽 天迥風尤快 啼鳥一聲閑
喚起情無奈

又

遲遲春晝長 冉冉東風軟 寒食乍晴天 紅紫芳
非遍 前峰積翠橫 新漲接藍遠 向晚淡煙迷
一段屏山展

又

丙午歲
遠同回

春光不肯留 風雨催將去 紅迷故園塵 綠滿江

南樹 陰晴寒食天 寂寞西郊路 芳艸纖新愁
悵望人何處

又

庭虛任雀喧 院靜無人到 回首十年非 賴得知
幾早 心隨香篆銷 意與梅花好 萬事轉頭空
一笑吾身老

少年遊

梅

玉壺冰結 算天寒朔吹 繞閣千雲 破梢頭香傳
花外春信入江南 巡檐索笑 情何限 一點已
微酸 待得黃蛩 冥冥煙雨 綠樹裊金丸

又

冰霜凝凍 臘殘時 暝律漸推 移綵勝羅幃 土牛
春杖和氣與春回 花心柳眼 知時節 微露向
陽枝 喜入新春 稱心百事如意 想都宜

小重山

農人以夜雨
書晴為夜春

樂歲農家喜 夜春朝來收宿霧 快新晴 雲移日

轉午風輕香羅薄暄暖困游人 惜水滿春塍

開河令 清遠軒 曉望

綠波翻鬱鬱露秋針幸無離緒苦牽情煙林外

亭阜霜重飛葉滿聽西風斷雁閉危闌斜陽

時聽杜鵑聲

紅欲歛 行人歸期太晚誤移晷征帆幾點水

霜天曉角 三衛 道中

遠連天愁雲遮望眼

雨餘風勁霧重千山暝非含寒林相映分明是

又 已亥宜 舟中

江頭伊軋動柔櫓漸楚天欲暮浩蕩輕鷗波間

畫圖景 去程何日定天遠長安近喚起新愁

自客與 岍峩汀蘋無緒更滿目瀟疎江樹此

無盡全沒箇故園信

意何窮憑誰圖画取

又 清溪 舟行

採桑子 三月縣必 東館大雨

連朝雨驟驅春去瓦注盆傾不記初春潤柳催

賺丹砂磧秋淨波澄碧極目青山橫遠懸崖斷

花忒有情 春光解有重來日寧耐休爭待得

擁蒼壁 倚岩漁艇集渡頭人物立八景瀟湘

秋深聽你無聊點滴聲

眞箇雲籠日晚風急

又 曉枕

江南好

梅花謝後櫻花綻淺淺勻紅試手天工百卉千

天共水水遠與天連天淨水平寒月漾水光月

施一信通 餘寒未許開舒妥怨雨愁風結子

色兩相兼月映水中天 人與景人景古難全

筠籠萬顆勻圓訝許同

景若佳時心自快心還樂處景應妍休與俗人

言

浪淘沙

花杏

絳萼輕紅綴簇玲瓏天桃繁李一時同獨向
枝頭春意鬧嬌倚東風飛片入簾櫳粉淡香
濃鳳簫聲斷月明中只恐明朝風雨惡燕嘴泥

融

又

花樣

桃萼正芳菲初占春時蒸霞燦錦望中迷料出
繁枝臨曲沼鸞鑑粧遲蜂蝶鎮相依天氣融
怡空教追憶武陵溪片片漫隨流水去風暖煙
霏

又

花樣

搖曳萬絲風輕染煙濃幾黃初褪綠茸雨洗
雲嬌春向晚雪絮空濛車馬灞橋中別緒幽
窗只知攀折怨西東不道曉風殘月嘶離恨無
窮

雙頭蓮

信寄雙蓮

太平和氣兆嘉祥艸木總成雙紅苞翠蓋出橫
塘兩兩闌芳芳榦搖碧玉並青房仙髻攏新
粧連枝不解引鸞皇畱取映鴛鴦

畫堂春

梅

西真仙子宴瑤池素裳瓊豔冰肌瑞籠香霧撲
銖衣鳳翥鸞飛玉骨解凌風露鉛華不凝凝
脂成樓卷管正孤吹月淡煙低

南柯子

送朱辰州干方壺小隱

木落千山瘦風微一水澄清霜暝日快歸程喚
渡沙頭欸欸話離情傍听漁舟集橫空雁字
輕凭闌凝望眼增明一片瀟湘真個回難成

西江月

丁巳長沙大開

笳鼓旌旗改色弓刀鎧甲增明橫花簇隊馬蹄
輕輶聽元戎蒲令羊祜輕裘臨陣亞夫細柳
屯營觀瞻已聳定王城飛虎成名日振

又

同蔡受之趙中甫起城飲于南楚樓

森森澄清波面依依紫翠山光危欄徙倚對斜陽山影波流蕩漾世事一番醒醉人生幾度炎涼高情收拾付觥觴何至義皇人上

洞仙歌

丁巳元夕大雨

元宵三五正好嬉遊去梅柳蛾蟬鬧齊楚換輟兒潑頭面只等黃昏恰限有些子無情風雨心忙腹熱沒頓渾身處急把燈臺炎艾炷做匙婆許蔥油麵灰画葫蘆夏漏轉越聯不停不住待歸去獨自意遲疑但無語空將眼兒厮覷

南鄉子

尹先之索淨圓子詞

元夜景尤殊萬斛金蓮照九衢鎚拍鼓湯都賣得爭如甘露盃中萬顆珠應是著工夫腦筋濃熏費小厨不比七夕貴蠟燭做知無要底圓兒糖上浮

行香子

春日遲遲春景熙熙漸郊原芳艸萋萋天桃灼灼

灼楊柳依依見燕喃喃蜂簇簇蝶飛飛閒庭寂寂曲沼漪漪更秋千紅索索垂遊人隊隊衆意嬉嬉盡醉醺醺歌緩緩語低低

卜算子

立石道中

晴日飲春泥陌上東風軟料峭寒禁花柳閒在恨春工淺綠漲一江深黛潑千山遠目斷平蕪無際愁數盡征鴻點

又

丙午春節席和從善

楊柳褪金絲豔杏搖紅影欲雨還晴二月天春色渾無定曉夢不堪驚午晝新來永一掬歸心萬疊愁空惹長亭恨

又

從善詩安堂賞海棠

嬌豔醉揚妃輕裊憐飛燕人在昭陽睡足時初試粧深淺一段錦新裁萬里來何遠高燭休教照夜寒媚臉融春豔

又

和徐師川贈歌者

綠暗柳藏煙紅淡花經雨夏著如花似玉人豔
態嬌波注纖手捧瑤卮緩遏歌雲縷只恐鴛
花不解留還逐東風去

又赴壽陵和向伯元送行詞

雲歛峭寒輕雨漲春波渺放杳無堪夢易驚啼
鳩聲催曉向憶故園花紅紫爲客好世路崎
嶇長短亭來往何時了

伊州三臺

丹桂

桂華移自雲岩夏被靈砂染丹清露灑醺顏醉
乘風下臨世間素娥襟韻蕭閒不與羣芳並
看軟軟絳綃單覺身輕夢回廣寒

介之序人一名師侯生于全園投子并第故其相

亦富憂氣或病其能作從漢法不能作侍飽

法余已謂諸家強酒廢色已極溫弱存一淡粧也

偶從持去初集中故前一篇也湖南毛晉藏

坦菴詞終